

苗疆屯防實錄

第三冊

苗疆屯防實錄

卷之四

苗疆屯防定錄卷三十二

旱歉蠲緩

稟苗疆雨澤愆期現在設壇虔禱

故稟者竊苗疆跬步皆山田畝半在高阜絕少塘堰永

稻山莊必得雨水勻調時時灌溉方冀收成豐稔今自

五月初旬以後早稻長茂中晚二稻正在耘鋤乃時當

盛暑旬餘無雨天氣亢陽高田日見涸圯禾苗雜糧亦

漸行枯槁惟於二十四五兩日鎮城得陣雨畧為霑潤

而南風競作蘊隆滋甚民苗盼澤甚殷△△現在會率

鎮廳暨文武員弁設壇虔禱以期渥沛甘霖查所屬各

府州廳地方有無時雨刻下尚未稟咨俟查明得雨

日期及田禾情形另行馳稟仰慰

慈懷所有苗疆祈禱雨澤緣由合肅稟聞伏乞鈞鑒

敬請

福安除稟

督憲外 謹稟

撫憲吳批據稟已悉仰即會率文武官員虔誠祈禱

一俟涯沛甘霖星馳稟奪仍候

督部堂批示繳

稟苗疆雨澤稀少田禾受旱情形

敬稟者

前因苗疆雨澤愆期設壇祈禱業經肅稟

憲鑒嗣據各屬稟報於五月二十四五六等日得霽陣雨

之後天氣亢旱田禾山根略澤甚微。倉率鎮廳文

武負弁齋心步禱鎮城於六月初五日辰刻微雨初七

日未刻得獲大雨一陣仍未普遍深透計自五月中旬

至六月初旬一月以來晴霽日多現屆大暑節令將次

交秋田間中早二稻及山上旱種色谷均當結實之時

不得雨水滋養未能飽熟並有已就枯槁者現據屯苗

備弁佃戶稟報被旱請勘但苗疆氣候稍遲早稻較少

日內得雨晚稻有收為可牽筭刻下情形未定一經勘

辦竊恐藉詞抗租有虞經費現將佃戶所逋稟請暫行
存記俟至七月初旬查核晚稻收成確數應否委勘另
行稟明惟查屯丁佃素鮮蓋藏專賴承種田畝收成
養贍卽苗人佃種田地亦藉餘谷糊口一遇歉收便虞
艱食歷來于青黃不接之際應借經費谷石秋收免息
完倉。已與鳳凰廳陳丞及委員細心商酌仍照向
例辦理第現在天氣亢燥該未能續沛甘霖必致秋收
大歉該丁佃無谷還倉不特經費大有支絀且各佃丁
人既衆多林總而前歉歉待哺關係匪細籲求接濟勢
所必然。荷蒙

委任一切支發固不敢不撙節覈實辦理而於民苗緊要

所關尤不敢稍存玩視鎮算相距較遠若事屆臨時始
行具稟已屬緩不濟急查屯苗積貯非詳請
奏明不得擅動擬俟立秋以後查看雨水情形收成多寡
或經費有所不敷或民苗因調劑應否動支積貯再
同鳳凰廳陳丞及各廳縣並委員等酌商辦理隨時妥
議稟候

憲示飭遵 此時仍與鎮城文武所夕祈禱一俟續履
透雨再行馳稟至現在民苗均寧^極謐足好

憲厘再鳳乾二廳以四鄉早稻收成豐歉牽算已據具報
六分有餘其餘各屬尚未報到業經飛飭查明曾否續
得時雨及收成確數若干隨時通報查核所有屯田現

在受旱情形合肅具稟伏乞

督憲外
○ ○ △ △ 謹稟

督憲處 批據稟慰悉仰卽飭查各屬是否一律晉霽
馳稟報查並候

撫部院批示繳

撫憲吳 批閱稟慰悉仰俟續沛甘霖再行馳稟仍飭
各屬查明是否一律均沾據稟報併候

督部堂批示繳

稟鎮算得履時雨日期

敬稟者本月十五日。將此田早中二稻被旱情形

馳稟

鈞鑒諒邀慈照查六月十五以後十七八二十等日算城
及各汛稟報先後得有微雨一陣即止雖稍為霑潤而
民苗望澤彌殷仍會率鎮廳暨文武員弁虔誠步禱
曾于二十一日未刻算城覆沛甘露雨勢較寬復于戌
刻接續便施至亥末止入土約有二三寸不等雖未十
分深透飭查鳳凰廳民屯苗地業已普霑晚稻及山莊
雜糧得潤澤滋養漸覺青葱再得雨水源源灌漑以次
結實可望有秋即早稻中稻已被乾旱枯槁之處亦可

翻犁種秋屬農民佃戶均各歡忭地方寧謐刻下雲
氣四合雨意猶濃各屬是否一律成霑現已飛飭速行
稟報所有算城履時雨日期合肅具稟仰懇

憲懷祇請

福安伏乞

慈鑒除稟

憲鑒虔請

福安除稟

督憲外 〇 謹稟奉

督憲虔 批現據該覆道 稟報算城已於六月二十

一日獲沛甘霖所有受旱田禾能否尚可救濟是否不

致歉收仰卽查明馳稟仍候

撫部院批示繳

撫憲吳 批據稟此田受旱俟立秋後察看雨水情形
收成多寡並應否酌借谷石酌議隨時稟辦等情仰布
政司飛移該道遵照迅速確催受旱輕重應否借給谷
石之處查案妥議據寔呈飛稟續察奪仍候

督部堂批示繳

稟苗種得雨晚稻雜糧有收被旱田欲現種秋屬並
接濟丁佃借給谷石及經費不敷情形

敬稟者竊。前于六月二十二日續稟^城算得雨日期諒

數

鈞鑒嗣據各屬稟報二十二十三十四五日等獲沛甘霖七月
上旬亦日有陣雨大小不等也田晚稻及山莊雜糧滋
養青蔥次第結實再得雨水調勻收成可必惟早中稻
前當含苞吐穗之際並早稻色谷被旱日久業經枯槁
今雖得雨氣候已過不能再行長發一望俱成荒草被
旱屯苗各佃紛紛赴道稟懇查勘僉欲翻犁起種秋收
貼補日食隨加體察俱屬實在情形現屆處暑節內上

宜種蕎麥不及時樹藝恐致兩誤而慮又各田藉詞乾旱

於中捏冒滋弊作為大租地步因即諭令速即補種仍

於田內酌留一小塊聽候勘查衆情悅服各回其鄉而被

旱情形輕重不一亦須速行勘明庶免牽混因即酌派

屯備弁及屯防委員赴各處確勘令造被旱地段細

冊存記一面查照內例出示曉諭次第開倉征納租籽

不使觀望第既經被旱收成歉薄勢又難以取盈批俟

儘力催收勘明受旱重輕及豐歉畧可相抵者分別等

差覈定酌辦以期租數不致過于短絀仍稟請

憲示另行委負覈勘核飭遵行正在具稟間接准藩司奉

憲批。前稟屯田受旱情形飭即確查受旱輕重應

石借給谷石之處查案妥議據定稟候查奪仍候
督部堂批示繳又奉

憲

督

台批

據該護道稟報寧城已於六月二十一日獲沛

甘霖所有受旱田禾能否尚可救濟是否不致歉收仰
卽查明馳稟仍候

撫部院批示繳各等因。遵查屯佃戶報旱請勘係求
減免租糧嗣于得雨之後俱欲割草種麥自行救濟一
經准其查勘起種俱知各務農功頗覺安定所有瀘麻
古保等四廳縣現在均無須動借官谷惟三廳屯丁向
於青黃不接之時懇借經費谷石又各苗佃承種屯防
田土內有地處深巢最為寒苦之寨向亦借支屯谷據

各該丁田再四額應由屯苗守備出具保結每丁任一名或借一石或借五六斗不等均限秋收後完倉廩援照舊例於經費項下暫行借支計三廳丁任共需借谷五千三百四十餘石已與各廳及委員等集議令別動支發給以示体卹俟秋收勒追完繳以歸九月以前經費之用至本屆征收租籽為本年冬季至次年秋季一歲口糧經費之需令早稻被旱無收中稻歉薄將來以晚稻雜糧之所收豐歉牽算勢與額租大有短絀刻下甫經出示開倉並令運查勘去難預計多寡須俟勘竣及征有成數通盤查核將被旱無收者請邀減免外綜計寔收數目核之經費寔短若干悉心妥議稟請

鈞核惟查永綏收割稍遲土租亦較他處延緩兼之旱歉之年催征匪易急切難以核數並查上年因虫傷收不足額經費業已支絀加以本屆不敷為數更多寔無從另行籌墊應請轉稟將本年苗疆早歉情形預行

奏明寔為公使所有續沛雨澤晚稻雜糧可望有收現將被旱田畝趕種秋禾并接濟丁佃及經費不敷各緣由合肅具稟伏乞

憲鑒核飭示遵度請

福安陳稟

精
撫憲外。 謹稟奉

督憲展 批據稟援例借谷接濟丁佃各緣由已悉至